



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Historiæ Augustæ Scriptores VI**

Ælius Spartianus. Vulc. Gallicanus. Julius Capitolinus. Trebell. Pollio. Ælius  
Lampridius. Flavius Vopiscus

**Spartianus, Aelius**

**Lugduni Batavorum, 1671**

De Odenato, XIII.

[urn:nbn:de:hbz:466:1-51232](https://nbn-resolving.org/urn:nbn:de:hbz:466:1-51232)



## 'DE ODENATO, XIII.

15<sup>2</sup> **N**isi Odenatus princeps Palmyrenorum, capto Valeriano, fessis Rom. Reip. viribus sumpsisset imperium, in Oriente res perditæ essent. Quare assumpto nomine primum regali cum uxore Zenobia & filio majore cui erat nomen Herodes, minoribus Herenniano & Timolao, collecto exercitu contra Persas profectus est. Nisibin primum & Orientis pleraque cum omni Mesopotamia in potestatem recepit: deinde ipsum regem victum fugere coëgit: postremo Ctesiphonta usque, Saporem & ejus liberos persequutus, captis concubinis, capta etiam magna præda ad Orientem vertit, sperans quod Macrianum, qui imperare contra Gallienum cœperat, posset opprimere: sed illo jam profecto contra Aureolum & contra Gallienum, eo interempto, filium Quietum interfecit, Balista (ut plerique asserunt) regnum usurpante, ne & ipse posset

I. DE ODENATO. ] Nolim imponat tironibus varia apud Græcos præfertim, hujus nominis scriptio. idem enim est qui Zosimo Οδνάθου, Procopio in secundo Persicorum Οδνάθης, Agathia lib. iv. & Prænio Οδνάθου, Zonara & Georgio Monacho Οδνάθου, aliis Οδναθου nuncupatur. in nummo veteri doctis viris descripto ΟΔΗΝΑΘΟΣ. De hoc autem omnia dicta in superioribus.

2. Nisi Odenatus princeps Palmyrenorum, c.] Non solum princeps, sed & civis Palmyræ fuit, majoribus ortus qui ab imperatoribus diversis honorum generibus fuerant affecti. ita Zosimus: & Procopius: ἡ δὲ Ζηνοβία Οδνάθου γυνή, ἣ ἐκείνη Σαρακηνῶν ἀρχὴν, οἱ Ρωμαῖοις ἐνασόνδου ἐκ παλαιῆς ἦσαν. ἔτι δὲ Οδνάθης ἀνεσώσατο Ρωμαῖοις τὴν ἐῶσαν ἀρχὴν ὑπὸ Μήδου γεληνημῆν. Aga-

thias contra ignobili ortum loco scribit. de Palmyra præter geographos & historicos, lege Hieronymum lib. XIII. in Ezechielem.

3. Herodes, m.] Tres Odenati filios hic habes, & sæpius in hoc auctore: Herodem, maximum natu, qui cum patre imperavit: & duos à moriente patre parvulos relictos, Herennianum & Timolaum. Vopiscus in Aureliano quartum adjicit Balbatum: cujus nomine imperium tenuisse Zenobiam ex auctoribus nonnullis scribit. Hic est quem Onuphrius ubique appellat Uhabalatum, ex Pollione, inquit: cum tamen in Pollionis libris vestigium istius nominis extet nullam, sed de hujus nomine plura ad illum locum.

SALMASIUS.

4. Minoribus Herenniano & Timolao.] Et Atimolao, Pal. & ed. vet. sed alibi semper Timolans dicitur & rectius.

I. Capite



occidi. Composito igitur magna ex parte Orientis statu, à consobrino suo Mæonio, qui & ipse imperium sumpserat, interemptus est cum filio suo Herode, qui & ipse post reditum de Perside cum patre imperator est appellatus. Iratum fuisse Reip. Deum credo, qui interfecto Valeriano noluit Odenatum reservare. Ille plane cum uxore Zenobia non solum Orientem, quem jam in pristinum reformaverat statum, sed omnes omnino totius orbis partes reformasset, vir acer in bellis, & quantum plerique scriptores loquuntur, venatu memorabili semper inclytus, qui à prima ætate <sup>1</sup> capiendis leonibus & pardis, ursis, cæterisque sylvestribus animalibus, <sup>2</sup> sudorem officii virilis impendit, qui- que semper in sylvis ac montibus vixit, perferens calorem, pluvias, & omnia mala quæ in se continent venatoriæ voluptates: quibus duratus, solem ac pulve- rem in bellis Persicis tulit. Non aliter etiam conjuge afflueta, quæ multorum sententia fortior marito fuisse perhibetur: <sup>3</sup> mulierum omnium nobilissima Orientalium foeminarum, <sup>4</sup> & (ut Cornelius Capitolinus asserit) speciosissima.

## GRUTERUS.

<sup>1</sup> Capiendis leonibus & pardis, ursis, cæterisque sylvestribus animalibus sudorem officii virilis impendit.] Sic & Pal.

<sup>4</sup> Et, ut Cornelius Capitolinus adserit, speciosissima.] Pal. sepedissima, emendatumque, sexpedissima. quo quid velit, non exputo.

## CASAVBONVS.

<sup>2</sup> Sudorem officii virilis impendit.] Scrib. Sudorem officii virilibus impendit.

<sup>3</sup> Mulierum omnium nobilissima or.] Scrib. mulier omnium nobilissima orientali- tum foeminarum. Pro speciosissima veteres habent expeditissima.

## SALMASIUS.

<sup>2</sup> Sudorem officii virilis impendit.] Perperam vit doctissimus, sudorem officii virilibus impendit, legere voluit. hic enim sensus, Odenatum sudorem officii virilis impendisse capiendis leonibus, & pardis & ursis.

<sup>3</sup> Mulierum omnium nobilissima Orientalium foeminarum.] Interpunctio- nibus male positis laborat hic locus, quem sic distingvas licet: mulierum omnium nobilissima, Orientalium foeminarum, ut & Cornelius Capitolinus asserit, speciosissima. Palatinus liber, sepedissima pro speciosissima exhibebat scriptum. hinc illud, quod in alios libros scri- ptos manavit: expeditissima.

## DE